



Nos Tera

13 Maart t/m 17 Maart
tur anochi pa 9'or

Musica / Tradicion / Cushina / Historia / Custumber

'ARUBA MIMÉ' ... GUIDE PA ASINA SEMPER BO TINÉ !!!



Presenta pa Cheraldine y Ruben

Historia, nificacion y balor di nos 'Aruba Dushi Tera'

ORANJESTAD — Ta bon pa nos reflexiona un momento, no solamente riba kico e palabra 'himno' ta nifica, sino tambe riba kico 'Aruba Dushi Tera' ta nifica pa nos y ki balor nos mester duna e como nos himno nacional.

Historia

Segun historia un autor di himno ta crea musica y

letra pa duna realse na un evento special y solem y pa rindi honor y homenahe na un cierto acontecimiento. E autorman di nos himno ta Rufo Wever (q.e.p.d.) y Juan Chabaya Lampe (Padu del Caribe) cu a immortalisa nan felis inspiracion na 1952. Cu pensamiento riba un Status Aparte pa Aruba, Gilberto Francois 'Betico'

Croes (q.e.p.d.) a tuma e iniciativa pa encamina e proceso pa Aruba por tin su propio simbolonan di identidad, esta su propio himno y bandera.

Dia 21 di januari 1976 gobierno a instala un comision encarga cu e trabou di bin dilanti cu proposicion di un himno. E comision aki a consisti di Rufo Odor como president y miembronan ta Padu Lampe, Eddie Benneth, Rufo Wever, Hubert Booi y Maybeline Arends. Dia 16 di maart 1976, pa medio di un decreto Consejo Legislativo di Aruba, a acepta 'Aruba, Dushi Tera' oficialmente como e himno nacional.

Nificacion

E titulo di e himno mes ya caba ta caracteriza y destaca e propiedadnan di nos isla 'Aruba Dushi Tera'. Un composicion cu den poco palabrapero cu un nificacion amplio ta conta di e imagen y di e calidad di Aruba, dunando importancia na su naturalesa.

E prime couplet ta conta di su balor y caracter propio, di ta chikito y simpel, pero si respeta. E di dos couplet ta conta di su playanan admira, tambe di e simbolonan nacional, e escudo y bandera cu ta orguyo di nos tur. Den e ultimo couplet ta proclama e gran cordialidad di e pueblo di Aruba y ta termina cu un invocacion: "Cu Dios por guia y conserva e pueblo su amor pa libertad".

Por ultimo, e parti no menos principal, loke ta haci e himno excepcional,

ta e introduccion, unda cu e autonan a opta pa compone un preludio imponente cu nos sa topa den himno di otro pais. Un momento supremo cu un musicamelodioso. Nos himno 'Aruba Dushi Tera' ta den ritmo di un wals modera, cu sin duda tambe

tristesa.

Con leu bo por ta di bo pais, na momento cu bo tende bo himno resona, e ta trece un alegria inmenso den bo curason.

Un himno no ta un simpel cancion, e ta un composicion cu palabra cu semper ta



Musica di Aruba Dushi Tera

HIMNO DI ARUBA
"Aruba Dushi Tera"

Valde Soliman Padu Lampe y Rufo Wever



ta un cadencia simpatico cu a cai na agrado di henter nos pueblo.

Balor

E himno y e bandera ta e identificacion di mas balor cu un ser humano tin di su patria. Bo pais of bo patria bo no por hib'e ningun caminda cu bo, pero bo himno y bandera si. E dos simbolonan aki ta esunnan cu ta pone un ser humano sinti'e orguyoso di ta forma parti di un pais, den su momentonan di gloria y

papia di un pais; su cultura, custumber y logro, etc. Un himno ni su melodia ta bira bieu, manera otro cantica cu ta valido durante cierto epoca so.

Como un bon ciudadano bo mester conoce e letra (e palabranan) di bo himno for di memoria. Si otro cantica bo ta canta cu miedo, bo himno si bo ta canta cu henter bo curason y ta lag'e Sali cu un sentimiento patriotico. Un himno ta haci bo stima bo pais hopi mas.